

ՊԵՏՈՒԹՅԱՆ ԿՈՂՄԻՑ ԴՐԱՄԱՀԱՆՐՎԱ ՁԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ

ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ

թ. Երևան

«05» «02» 2025 թ.

Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ պետական մարմին), ի դեմս գլխավոր քարտուղար Հասմիկ Հակոբյանի, որը գործում է պետական մարմին կանոնադրությա հիման վրա, մի կողմից, և «Հայաստանի պետական ազգային ակադեմիական երգչախումբ» պետական ոչ առևտրային կազմակերպությունը (այսուհետ՝ կազմակերպություն), ի դեմս կազմակերպության տնօրեն Դավիթ Թերզյանի, որը գործում է կազմակերպության կանոնադրության հիման վրա, մյուս կողմից (այսուհետ միասին՝ կողմեր), հիմք ընդունելով Հայաստանի Հանրապետության կառավարության 2024 թվականի դեկտեմբերի 27-ի N 2060-Ն որոշումը (այսուհետ՝ որոշում)՝ որոշման «1168. Արվեստների ծրագիր» ծրագրի «11006.Ազգային ակադեմիական խմբերգային համերգներ» միջոցառման (այսուհետ՝ ծրագիր) իրականացման նպատակով կնքեցին սույն պայմանագիրը (այսուհետ՝ պայմանագիր)՝ հետևյալի մասին.

## 1. ՊԱՅՄԱՆԱԳՐԻ ԱՌԱՐԿԱՆ

1.1. Սույն պայմանագրով պետական մարմինը պարտավորվում է ծրագրի իրականացման նպատակով կազմակերպությանը հատկացնել սույն պայմանագրով սահմանված վճարը, իսկ կազմակերպությունը պարտավորվում է սույն պայմանագրով սահմանված վճարի դիմաց սույն պայմանագրով սահմանված կարգով ու ժամկետով կատարել սույն պայմանագրով ստանձնած պարտավորությունները և իր կանոնադրությամբ նախատեսված գործառույթները, այդ թվում համերգային ծրագրերի ստեղծում, իրականացում, հանդիսատեսի սպասարկում և այլ գործառույթներ (այսուհետ՝ միջոցառումներ)՝ ըստ սույն պայմանագրի անբաժանելի մաս կազմողը՝

1.1.1. համերգների կանխատեսվող ֆինանսական և ոչ ֆինանսական ցուցանիշների՝ համաձայն Հավելված N 1-ի,

1.1.2. համերգացանկի՝ համաձայն Հավելված N 2-ի,

1.1.3. ֆինանսական պարտավորությունների կատարման ժամանակացույցի՝ համաձայն Հավելված N 3-ի:

## 2. ԿՈՂՄԵՐԻ ԻՐԱՎՈՒՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

### 2.1. ՊԵՏԱԿԱՆ ՄԱՐՄԻՆՆ ԻՐԱՎՈՒՄՔ ՈՒՆԻ՝

2.1.1. ցանկացած ժամանակ (այդ թվում՝ << ֆինանսների նախարարության և պետական այլ մարմինների միջոցով) ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը, ինչպես նաև օրենսդրությամբ սահմանված կարգով իրականացնել ներքին առողջիւտ,

2.1.2. կազմակերպությունից պարբերաբար պահանջել ու ստանալ տեղեկատվություն սույն պայմանագրի կատարման ընթացքի մասին,

2.1.3. սույն պայմանագրով սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և կազմակերպությունից

պահանջելու վճարել սույն պայմանագրի 6.4-րդ կետով նախատեսված տուգանքը, իսկ սույն պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում՝ սույն պայմանագրի 6.5-րդ կետով նախատեսված տույժերը,

2.1.4. առանց իրականացված միջոցառումների արդյունքների դիմաց գումար տրամադրելով՝ միակողմանի լուծելու սույն պայմանագրով և պահանջելու հատուցել պատճառված վնասները, եթե՝

ա. առանց հիմնավոր պատճառի կազմակերպությունը ժամանակին չի սկսում միջացառման իրականացումը, կամ միջոցառման իրականացման ժամանակ ակնհայտ է դառնում, որ այն պատշաճ չի իրականացվելու,

բ. կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (սույն պայմանագրով կամ կանոնադրությամբ միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում ծրագրով սահմանված պահանջներին,

2.1.5. կազմակերպության կողմից սույն պայմանագրի պահանջները չկատարելու դեպքում դադարեցնելու ֆինանսավորումը՝ մինչև թերությունների վերացումը,

2.1.6. կազմակերպության կողմից սույն պայմանագրով նախատեսված միջոցառումների ֆինանսական ծախսեր ենթադրող ոչ ֆինանսական ցուցանիշների թերակատարման դեպքում պահանջելու հետ վերադարձնել համապատասխան չափով հաշվարկած գումարը, կամ նշված գումարի չափով պակասեցնելու հետագա տարիների ֆինանսավորումը, կամ հետագա տարիների պայմանագրերով պարտավորեցնել լրացնելու ոչ ֆինանսական ցուցանիշների թերակատարումը,

2.1.7. սույն պայմանագրին օրենքով կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները,

2.1.8. սույն պայմանագրի 2.4-րդ կետով նախատեսված պարտավորությունները վերանայել (փոփոխություն կատարել) նախորդ տարվա հաշվետվությունների արդյունքների հիման վրա:

## 2.2. Կազմակերպությունն իրավունք ունի՝

2.2.1. պետական մարմնից պահանջելու ընդունել սույն պայմանագրի 1.1-ին կետում նշված և կազմակերպության կողմից պատշաճ ձևով ու կարգով կատարված միջոցառումները,

2.2.2. պետական մարմնից պահանջելու վերացնել կազմակերպության գործողություններից (անգործությունից) անկախ՝ պետական մարմնի մեջքով սույն պայմանագրի կատարման համար առաջացած խոչընդոտները կամ վերանայել սույն պայմանագրի պայմանները,

2.2.3. իրականացված միջոցառման արդյունքները պետական մարմնի կողմից ընդունվելու և պետական մարմնի կողմից գումարները չվճարվելու դեպքում միակողմանի լուծելու սույն պայմանագրով և պահանջելու հատուցել իրեն պատճառված վնասները,

2.2.4. կազմակերպության ֆինանսական միջոցներից օրենսդրությամբ սահմանված կարգով կազմակերպության տնօրենին եռամսյակային պարբերականությամբ վճարել պարզևատրում՝ տոմսերի վաճառքից նախորդ եռամսյակի ընթացքում ստացված հասույթի 5 (հինգ) տոկոսի չափով և լրացուցիչ 3 (երեք) տոկոսի չափով՝ հիմնական կատարողական ցուցանիշների ամբողջական կատարման համար:

2.2.5. վաղաժամկետ լուծել սույն պայմանագիրը՝ սույն պայմանագրով կամ Հայաստանի Հանրապետության օրենսդրությամբ սահմանված կարգով և դեպքերում:

### **2.3. Պետական մարմինը պարտավոր է՝**

2.3.1. Հայաստանի Հանրապետության օրենսդրությամբ և (կամ) ծրագրով նախատեսված դեպքերում իր և կազմակերպության կանոնադրություններով սահմանված իրավասությունների շրջանակներում աջակցել կազմակերպությանը, այդ թվում՝ կազմակերպությանը ցուցաբերել մեթոդական և կազմակերպական օգնություն,

2.3.2. ընդունել սույն պայմանագրի պահանջներին համապատասխան կազմակերպության կողմից պատշաճ ձևով ու կարգով կատարված միջոցառումները և հաշվետվությունները,

2.3.3. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ,

2.3.4. իրականացված միջոցառումների մասին ներկայացված հաշվետվությունների վերաբերյալ համապատասխան որոշում ընդունել դրանք ստանալու օրվանից մինչև 20 աշխատանքային օրվա ընթացքում: Հաշվետվություններում թերություններ հայտնաբերվելու դեպքում դրանք վերադարձվում են լրամշակման՝ դրա համար սահմանելով խելամիտ ժամկետներ: Եթե իրականացված միջոցառումների ներկայացված հաշվետվությունները համապատասխանում են ծրագրի և սույն պայմանագրի պահանջներին, ապա դրանք ընդունվում են,

2.3.5. իրականացնել սույն պայմանագրով նախատեսված այլ աշխատանքներ:

### **2.4. Կազմակերպությունը պարտավոր է՝**

2.4.1. ապահովել կազմակերպության գործունեությունը կազմակերպության կանոնադրական նպատակներին և խնդիրներին համապատասխան,

2.4.2. ժամանակին, պատշաճ ձևով ու կարգով կատարել սույն պայմանագրի 1.1-ին կետով նախատեսված միջոցառումները՝ ապահովելով համերգացանկի առնվազն 50% հայ դասական և ժամանակակից, այդ թվում երիտասարդ և սիյուռքահայ կոմպոզիտորների ստեղծագործությունների ընդգրկումը:

2.4.3. ստեղծագործական և դեբյուտային-նորարական ծրագրերի իրականացման ժամանակ առաջնահերթության կարգով ապահովել պետական և երիտասարդական մրցանակների արժանացած, միջազգային և հանրապետական մրցույթների, փառատոնների, ստուգատեսների դափնեկիր երիտասարդ ստեղծագործողների ներգրավվածությունը,

2.4.4. ապահովել գեղարվեստական արդյունքի հասանելիությունը << մարզերի, մասնավորաբար՝ համայնքների բնակիչների (ըստ հնարավորության նաև սահմանամերձ), պատերազմից տուժած, հաշմանդամություն ունեցող գինծառայողների, զոհված զինվորների ընտանիքների համար (առնվազն 1 միջոցառում): Ներառական ծրագրերի

իրականացման ընթացքում սերտորեն համագործակցել առողջապահության ոլորտի համապատասխան մասնագիտական կառույցների հետ,

2.4.5. մինչև 2025 թվականի դեկտեմբերի 1-ը պետական մարմնին ներկայացնել կազմակերպության 2026 թվականի համերգացանկը,

2.4.6. սեփական նախաձեռնությամբ իրականացնել Կազմակերպությունը պարտավորվում է իր տարեկան համերգացանկում ընդգրկել պետության համար հատուկ նշանակություն ունեցող 3 (երեք) տոներից (*Հայաստանի Հանրապետության տոն* (մայիսի 28), *Սահմանադրության օր* (հուլիսի 5) և *Անկախության տոն* (սեպտեմբերի 21) առնվազն 1-ին (մեկին) նվիրված միջոցառում,

2.4.7. յուրաքանչյուր եռամսյակի (եռամսյակի ավարտից հետո տասնօրյա ժամկետում) պետական մարմնին ներկայացնել արվեստի ոլորտում տվյալ եռամսյակում հիմնական կատարողական ցուցանիշները (*ԿՅ*)՝ համաձայն Հավելված N 4-ի (աճողական կարգով),

2.4.8. մարտ-ապրիլ ամիսներին նախատեսել համերգային ծրագիր ֆրանկոֆոնիայի երկամսյակի շրջանակներում,

2.4.9. պետական մարմնի առաջարկությամբ մասնակցել պետական մարմնի կողմից իրականացվող կամ հովանավորվող մշակութային միջոցառումներին (փառատոներ, մրցույթներ, հանդիսավոր երեկոներ, հոբելյանական միջոցառումներ),

2.4.10. պետական մարմնի պահանջով, ըստ անհրաժեշտության, ներկայացնել գովազդատեղեկատվական նյութերի նախագծերը, նոր ծրագր(եր)ի վերաբերյալ ոլորտի մասնագետների եզրակացությունները, ինչպես նաև ապահովել դրա փակ նախնական ունկնդրումը պետական մարմնի ներկայացուցիչների համար,

2.4.11. յուրաքանչյուր եռամսյակ պետական մարմնին ներկայացնել ինքնազբաղ անկախ ստեղծագործողների մասնակցությամբ միջոցառումների ցանկը,

2.4.12. իրականացնել ծրագրերի հանրայնացման անհրաժեշտ գովազդատեղեկատվական արշավներ սոցիալական հարթակներում (տոմսերի վաճառքի հարթակները սոցիալական հարթակներ չեն համարվում): Միջոցառումների իրականացման մասին իրազեկման բոլոր հարթակների տեսանելի վայրում (ազդագրեր, իրավիրատումներ, պաստառներ՝ ներառյալ էլեկտրոնային տարբերակները) պարտադիր կերպով իրապարակել << զինանշանը և պետական մարմնի անվանումը՝ պահպանելով «Հայաստանի Հանրապետության զինանշանի մասին» << օրենքի պահանջները:

Գովազդատեղեկատվական բնույթի այլ իրապարակումներում (մամուլի իրապարակումներ, համերգային ծրագիր-բոլիետներ, տեսահոլովակներ, մամլո հաղորդագրություններ, ասովիսներ, գրավոր և/կամ բանավոր այլ խոսք) կազմակերպությունը պարտավոր է ոչ միայն իրապարակել << զինանշանն ու պետական մարմնի անունը, այլև նշել պետական մարմնի մասնակցության ծևաչափը (պետական մարմնի ֆինանսավորմամբ, պետական մարմնի աջակցությամբ), որը կարող է արտահայտվել ինչպես ուղղակի ֆինանսավորման, այնպես էլ թատերահամերգային դահլիճների տրամադրման և կազմակերպական այլ աջակցության տեսքով:

Համաֆինանսավորման դեպքում՝ պետական մարմնին տրամադրել ամբողջական տեղեկատվություն՝ միջոցառումներին աջակցող կազմակերպության(ների),

ֆինանսավորման չափի և վերջինիս(ներիս) հետ ձեռք բերված այլ պայմանագրությունների մասին,

2.4.13. Եռամսյակային հաշվետվություն ներկայացնել պետական մարմնին հրապարակային հարթակներում (կայքէջ, Facebook, Youtube, Instagram և այլն) կազմակերպության հետևողների քանակի, ինչպես նաև յուրաքանչյուր միջոցառման գովազդային շահառուների (Like, Share) մասին,

2.4.14. սույն պայմանագրով սահմանված պարտավորություններն իրականացնել պետական մարմնի կողմից հաստատված մեթոդական ցուցումների, հրահանգների և այլ հրավական ակտերի (փաստաթղթերի) պահանջներին համապատասխան,

2.4.15. պետական մարմնին անհապաղ հայտնել սույն պայմանագրի կատարման համար առաջացած խոչընդոտների մասին և միաժամանակ ձեռնարկել իր կողմից հնարավոր բոլոր միջոցները՝ այդ խոչընդոտներն վերացնելու համար,

2.4.16. սույն պայմանագրի գործողության ընթացքում ապահովել միջոցառումների իրականացմանը վերաբերող փաստաթղթերին ծանոթանալու պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում,

2.4.17. իրականացնել միջոցառումների շրջանակներում պետական մարմնի կողմից տրամադրված գումարների հաշվապահական հաշվառման վարում՝ Հայաստանի Հանրապետության օրենսդրությամբ սահմանված կարգով,

2.4.18. պետական մարմնի պահանջով նրան հաղորդել տեղեկատվություն միջոցառումների կատարման ընթացքի մասին, ինչպես նաև ներկայացնել սույն պայմանագրի կատարմանը վերաբերող ֆինանսական և բովանդակային հաշվետվությունները (ծախսերը հիմնավորող հաշվապահական և այլ փաստաթղթերը գտնվում են կազմակերպության մոտ): Բովանդակային հաշվետվությամբ ներկայացվում է ամբողջական տեղեկատվություն միջոցառումների իրականացման, հրապարակման և ընթացքի, այդ թվում՝ արդյունքների գնահատման, մասնակիցների քանակի վերաբերյալ, կցելով համապատասխան նյութեր (լուսանկարներ, ազդագրեր, հրավիրատումներ, մամուլի հրապարակումներ և այլն, ներառյալ՝ իրազեկման բոլոր հարթակների տեսանելի վայրում պետական մարմնի վերաբերյալ այլ տեղեկատվական նյութեր)՝ Էլեկտրոնային կրիչներով: Կազմակերպությունը պատասխանատվություն է կրում հաշվետվությամբ ներկայացված տվյալների իսկության համար,

2.4.19. պետական մարմնին ներկայացնել Եռամսյակային ու տարեկան հաշվետվություններ՝ համաձայն << ֆինանսների նախարարի 2013 թվականի փետրվարի 4-ի N 104-Ն և 2019 թվականի մարտի 13-ի N 254-Ն հրամանների, ինչպես նաև << օրենսդրությամբ և իրավական այլ ակտերով նախատեսված ծևով ու կարգով: Փաստացի ծախսերը հիմնավորող հաշվապահական և այլ փաստաթղթերը գտնվում են կազմակերպությունում և վերջինս պատասխանատվություն է կրում հաշվետվությամբ ներկայացված տվյալների հավաստիության համար,

2.4.20. պետական մարմնի կողմից հաշվետվությունները չընդունվելու դեպքում անվճար՝ պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները,

2.4.21. միջոցառումների իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով՝ պետության կարիքների համար կատարվող գնումների կանոններին համապատասխան, իսկ միջոցառումների համար կազմակերպության կողմից ընդգրկվող աշխատողների հետ աշխատանքային հարաբերությունները կարգավորել << Աշխատանքային օրենսգրքով սահմանված կարգով,

2.4.22. պետական մարմնի հետ նախապես համաձայնեցնել նրա իրավասությանը վերապահված հարցերի լուծման տարբերակները,

2.4.23. կատարել պետական մարմնի կողմից բացահայտված թերությունների վերացման նպատակով տրված ցուցումները,

2.4.24. սույն պայմանագիրն ուժի մեջ մտնելուց հետո օրենսդրությամբ սահմանված կարգով պետական մարմնի հաստատմանը ներկայացնել կազմակերպության ֆինանսատնտեսական գործունեության նախահաշիվը՝ համապատասխան հիմնավորումներով: Նախահաշիվի յուրաքանչյուր ծախսային ուղղության մեջ կատարվող փոփոխությունը նախապես՝ մինչև փաստացի ծախսերի կատարումը օրենսդրությամբ սահմանված կարգով համաձայնեցնել պետական մարմնի հետ: Նախահաշիվը փոփոխությունների ներկայացման առաջարկի վերջնաժամկետն է 2025 թվականի դեկտեմբերի 15-ը,

2.4.25. սույն պայմանագրով նախատեսված միջոցառումների տարեկան արդյունքները պետական մարմնի կողմից ընդունվելուց հետո կազմակերպությունը միջոցառումների իրականացման արդյունքում առաջացած տնտեսումները (խնայողությունները) վերադարձնում է Հայաստանի Հանրապետության պետական բյուջե՝ ոչ ուշ, քան մինչև 2026 թվականի հունվարի 24-ը:

### 3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՈՒՄՆԵՐԻ ԿԱՐԳԸ

3.1. Սույն պայմանագրի 1.1-ին կետում նշված միջոցառումների իրականացման համար պետական մարմինը կազմակերպությանն է վճարում 404616,6 հազար (չորս հարյուր չորս միլիոն վեց հարյուր տասնվեց հազար վեց հարյուր) դրամ՝ (ներառյալ հարկերը, տուրքերը և պարտադիր այլ վճարները): Այդ գումարի չափը կարող է փոփոխվել սույն պայմանագրով, ինչպես նաև Հայաստանի Հանրապետության օրենսդրությամբ սահմանված հիմքերով ու կարգով:

3.2. Սույն պայմանագրի 3.1-ին կետում նշված գումարը պետական մարմինը կազմակերպությանն է վճարում սույն պայմանագրի Հավելված N 3-ով սահմանված ժամկետներում, կազմակերպության՝ սույն պայմանագրում նշված գանձապետական հաշվեհամարին փոխանցումներ կատարելու եղանակով:

3.3. Կազմակերպության կողմից միջոցառումների կատարման՝ սույն պայմանագրով սահմանված ցուցանիշներն ու պայմանները խախտելու դեպքում պետական մարմինն իրավունք ունի վերանայել սույն պայմանագրի 3.1-ին կետում նշված գումարի չափը և դրա վճարման ժամանակացույցը:

3.4. Համաձայն «Հայաստանի Հանրապետության 2025 թվականի պետական բյուջեի մասին» << օրենքի 7-րդ հոդվածի 23-րդ մասի՝ հաշվարկված ԱԱՀ-ի գծով լրացուցիչ

հատկացումները չեն կարող ուղղվել այլ նպատակների և չօգտագործված գումարները 2025 թվականի ընթացքում ենթակա են վերադարձման << պետական բյուջե:

#### 4. ՊԱՅՄԱՆԱԳՐԻ ԺԱՄԿԵՏԸ

4.1. Սույն պայմանագիրն ուժի մեջ է մտնում կողմերի ստորագրման պահից, տարածվում է 2025 թվականի հունվարի 1-ից ծագած իրավահարաբերությունների վրա և գործում է մինչև կողմերի ստանձնած պարտավորությունների ամբողջ ծավալով կատարումը:

#### 5. ԱՇԽԱՏԱՆՔՆԵՐԻ ԸՆԴՈՒՆՄԱՆ ԿԱՐԳԸ

5.1. Սույն պայմանագրի 1-ին կետում նշված և կատարված միջոցառումների մասով կազմակերպությունը, ոչ ուշ, քան յուրաքանչյուր եռամսյակին հաջորդող ամսվա 10-ը, իսկ տարեկան կտրվածքով ոչ ուշ, քան 2026թ. հունվարի 20-ը պետական մարմնին է ներկայացնում արվեստի ոլորտում տվյալ եռամսյակում հիմնական կատարողական ցուցանիշները (ՀԿՑ)<sup>1</sup> համաձայն Հավելված N 4-ի և ոչ ֆինանսական ցուցանիշների կատարման վերաբերյալ հաշվետվությունը՝ համաձայն Հավելված N 5-ի: Տարեկան ցուցանիշների և հաշվետվության ամփոփման արդյունքում տրված դրական եզրակացության հիման վրա պետական մարմնի կողմից կազմվում է հանձնման-ընդունման արձանագրություն՝ համաձայն Հավելված N 6-ի:

5.2. Սույն պայմանագրի N 1, N 2 և N 4 Հավելվածներում ներառված ցուցանիշներում չեն կարող ներառվել պետական, համայնքային և այլ ֆինանսավորմամբ իրականացվող այլ ծրագրերի (բաժանորդային համակարգ, մրցույթով և առանց մրցույթի դրամաշնորհի ձևով հատկացվող ֆինանսավորում և այլն) արդյունքները:

#### 6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

6.1. Սույն պայմանագրով նախատեսված պարտավորությունները կողմերը պարտավոր են կատարել պատշաճ և սահմանված ժամկետներում: Դրանք ոչ պատշաճ կամ ժամկետանց կատարելու, չկատարելու կամ կատարելուց խուսափելու դեպքում, ինչպես նաև իրենց գործողություններով կամ անգործությամբ սույն պայմանագրի կատարման համար խոչընդոտներ ստեղծելու, մյուս կողմին վնաս պատճառելու կամ կանխատեսվող եկամուտներից զրկելու համար կողմերից յուրաքանչյուրը կրում է պատասխանատվություն մյուս կողմին պատճառած վնասների և բաց թողնված օգուտների լրիվ ծավալով՝ Հայաստանի Հանրապետության օրենսդրությամբ սահմանված կարգով:

6.2. Սույն պայմանագիրը կարող է վաղաժամկետ լուծվել կողմերից որևէ մեկի նախաձեռնությամբ՝ մյուս կողմի՝ սույն պայմանագրի պայմանները խախտելու դեպքում: Այդ ժամանակ նախաձեռնող կողմը պետք է ստանա վնասների և բաց թողնված (չստացված) եկամուտների լրիվ չափով փոխհատուցում:

6.3. Սույն պայմանագիրը վաղաժամկետ դադարեցնելը կամ լուծելը կողմերից որևէ մեկի համար այն կատարել շարունակելը աննպատակահարմար լինելու դեպքում կամ այլ պատճառաբանությամբ չի թույլատրվում: Նման դեպքում մյուս կողմն իրավունք ունի կամ ստանալ սույն պայմանագրի 6.1-ին կետով նախատեսված լրիվ փոխհատուցումը, կամ պահանջել սույն պայմանագրի հարկադիր կատարումը:

6.4. Սույն պայմանագրի 1.1-ին կետով նախատեսված պարտավորությունների ոչ պատշաճ կատարման դեպքում, ինչպես նաև սահմանված ժամկետները կազմակերպության կողմից չպահպանելու դեպքում վերջինս պետական մարմնին վճարում

է տուգանք՝ ոչ պատշաճ կատարված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով, իսկ սահմանված ժամկետները խախտելու դեպքում՝ ժամկետների խախտմամբ իրականացված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով՝ ուշացված յուրաքանչյուր աշխատանքային օրվա համար:

6.5. Սույն պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում կազմակերպությունը պետական մարմնին վճարում է տույժ՝ պայմանագրի գնի 0.05 (զրո ամբողջ հինգ հարյուրորդական) տոկոսի չափով՝ ուշացված յուրաքանչյուր աշխատանքային օրվա համար: Ընդ որում, սույն կետով սահմանված տույժերը վերաբերում են պետական մարմնին ներկայացվող ինչպես ֆինանսական, այնպես էլ՝ բովանդակային հաշվետվություններից յուրաքանչյուրին:

6.6. Սույն պայմանագրով կազմակերպության կողմից ստանձնված պարտավորությունները չկատարելու կամ ոչ պատշաճ կատարելու հիմքով սույն պայմանագիրը միակողմանի լուծելու մասին ծանուցումը պետական մարմնը հրապարակում է իր պաշտոնական կայքում՝ նշելով հրապարակման ամսաթիվը: Կազմակերպությունը համարվում է սույն պայմանագիրը միակողմանի լուծելու մասին պատշաճ ծանուցված՝ ծանուցումը կայքում հրապարակվելուն հաջորդող օրվանից: Սույն պայմանագիրը միակողմանի լուծելու մասին ծանուցումը կայքում հրապարակվելու օրը ուղարկվում է նաև կազմակերպության էլեկտրոնային փոստին:

6.7. Սույն պայմանագրի կնքումից հետո 3-օրյա ժամկետում կազմակերպության անվանումը, գտնվելու վայրը, կազմակերպության կողմից դրամաշնորհ ստանալու համար ներկայացված ծրագիրը հրապարակվում են պետական մարմնի պաշտոնական ինտերնետային կայքեցում:

6.8. Կազմակերպությունը սույն պայմանագրով նախատեսված ժամկետներում պետական մարմնին ներկայացնում է միջոցառումների կատարման վերաբերյալ հաշվետվություն, որը պետական մարմնի կողմից ընդունվելուց հետո 3-օրյա ժամկետում հրապարակում է պետական մարմնի պաշտոնական ինտերնետային կայքեցում՝ բացառությամբ անձի եկամուտներին վերաբերող դրամաշնորհային պայմանագրերի:

## 7. ՄՈՆԻԹՈՐԻՆԳԸ

7.1. Պետական մարմնը միջոցառումների իրականացման արդյունքների համապատասխանության գնահատման նպատակով իրականացնում է մոնիթորինգ:

7.2. Մոնիթորինգն իրականացվում է պետական մարմնի և (կամ) նրա կողմից լիազորված անձի կողմից:

7.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ, և կատարվում են առաջարկություններ:

7.4. Պետական մարմնը ցանկացած ժամանակ կարող է միջոցառումների շրջանակներում իրականացնել մոնիթորինգ՝ ուսումնասիրելով միջոցառումներին առնչվող ցանկացած փաստաթղթեր և նյութեր:

7.5. Մոնիթորինգի իրականացման ընթացքում կազմակերպությունից կարող են պահանջվել գրավոր և բանական պարզաբանումներ և բացատրություններ:

## 8. ԱՆՀԱՂԹԱՎԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՄ-ՄԱԺՈՐ)

8.1. Սույն պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չեն կարող կանխատեսել կամ կանխարգելել: Այդպիսի իրավիճակներն են երկրաշրժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հոգումները, գործադուլուները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

## 9. ԵՇՐԱՓԱԿԻՉ ԴՐՈՒՅԹՆԵՐ

9.1. Սույն պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

9.2. Սույն պայմանագիրը կնքվում է սույն պայմանագրի կողմերի թվին համապատասխան թվով օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

9.3. Սույն պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

## 10. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

### ՊԵՏԱԿԱՆ ՄԱՐՄԻՆ՝

«Հրթության, գիտության, մշակույթի  
և սպորտի նախարարություն»

Երևան, Վ. Սարգսյան 3

Կառավարական տուն N 2

«ՖՆ գործառնական վարչություն  
h/h 900011032886, հվի 02698732

Գլխավոր քարտուղար՝

\_\_\_\_\_ < Հակոբյան  
(ստորագրություն)

Կ. S.



### ԿԱԶՄԱԿԵՐՊՈՒԹՅՈՒՆ՝

«Հայաստանի պետական

ազգային ակադեմիական

երգչախումբ» ՊՈԱԿ

ք. Երևան 10, Պուշկինի 60,

«ՖՆ գործառնական վարչություն

h/h 900018005166, հվի 02508235,

հեռ. 093200783

Տնօրեն՝

Դ. Թերզյան  
(ստորագրություն)

Կ. S.



2025 թվականին «Հայաստանի պետական ազգային ակադեմիական երգչախումբ»  
 ՊՈԱԿ-ի կանխատեսվող ֆինանսական և ոչ ֆինանսական ցուցանիշները

Ցուցանիշներ	Միավոր	Քանակ
1. Հանդիսատեսի թվաքանակ	մարդ	8140
2. Համերգների քանակ	հատ	11
3. Համերգային ծրագրերում ընդգրկված երգիչների թիվը, այդ թվում՝	մարդ	91
հգական սեռի	մարդ	51
արական սեռի	մարդ	40
4. Մեկ համերգի համար դահլիճի միջին բեռնվածությունը (%) <sup>1</sup>	տոկոս	75,0
5. Տոմսերի վաճառքից ստացված հասույթ	հազար դրամ	22191,7
6. Այլ եկամուտներ	հազար դրամ	

<sup>1</sup> հաշվարկվում է միայն վաճառված դրույթի քանակով

#### ՊԵՏԱԿԱՆ ՄԱՐՄԻՆ՝

«Հ կրթության, գիտության, մշակույթի  
և սպորտի նախարարություն  
Երևան, Վ. Սարգսյան 3  
Կառավարական տուն N 2

«Ֆ ն գործառնական վարչություն  
հ/հ 900011032886, հվի 02698732

Գլխավոր քարտուղար՝

Կ. S.

Հ. Հակոբյան  
(ստորագրություն)




#### ԿԱԶՄԱԿԵՐՊՈՒԹՅՈՒՆ՝

«Հայաստանի պետական  
ազգային ակադեմիական  
երգչախումբ» ՊՈԱԿ  
ք. Երևան 10, Պուշկինի 60,  
«Ֆ ն գործառնական վարչություն  
հ/հ 900018005166, հվի 02508235,  
հեռ. 093200783

Տնօրեն՝

Դ. Թերզյան  
(ստորագրություն)

Կ. S.



Հավելված N 2  
«05» «02» 2025 թ.  
N ՄՇԴ-57-2025 պայմանագրի

«Հայաստանի պետական ազգային ակադեմիական երգչախումբ» ՊՈԱԿ-ի  
2025 թվականի  
ՀԱՄԵՐԳԱՑԱՆԿ

N	Համերգի անվանումը	հեղինակը	ամսաթիվը*	Ժամը*	Հրավիրված երաժիշտ/դերասան*	Այլ
1	«Հայոց Սուլբ Ծնունդ» հոգևոր-դասական համերգ՝ Կոմիտաս Խորենացի Շ. Գունը Ֆ. Հենդել Գերգ Ֆրիդրիխ Հենդել Ժ. Կարվարենց Արոլֆ Ադամ Զ. Վահե	Զանլուկա Մարչիան	06.01.2025թ.	19:30	Զանլուկա Մարչիան/դիրիժոր/	
2	Սիմֆոնիկ համերգ՝ Բեթհովեն- Ֆանտազիա դաշնամուրի, երգչախմբի և նվազախմբի համար Վերդի հատվածներ «Նաբուկո» օպերայից	Հովհաննես Չեքիջյան	23.01.2025թ.	19:00	Հայկ Մելիքյան /դաշնակահար/	
3	Սիմֆոնիկ համերգ՝ Կ. Օրֆ «Կարմինա Բուրանա»	Կարեն Դուրգարյան	04.04.2025թ.	19:00	Բերզ Քարազյան/տենոր/	
4	Հայոց ցեղասպանության 110-րդ տարելիցին նվիրված միջոցառում	Հովհաննես Չեքիջյան	24.04.2025թ.	10:00		
5	Համատեղ համերգ Ալեքսանդր Սպենդիարյանի անվան օսերայի և բալետի ազգային ակադեմիական թատրոնի նվազախմբի հետ		մայիս	19:00		
6	Հոգևոր համերգ Լոռու մարզում	Հովհաննես Չեքիջյան	հունիս	17:00		

7	Ա' Կապելլա համերգ Շիրակի մարզում	Հովհաննես Չեքիջյան	հուլիս	17:00		
8	Սիմֆոնիկ համերգ համատեղ Հայաստանի ազգային ֆիլհարմոնիկ նվազախմբի հետ	Էդուարդ Թոփչյան	սեպտեմբեր	19:00		
9	Սիմֆոնիկ համերգ համատեղ Հայաստանի պետական սիմֆոնիկ նվազախմբի հետ	Սերգեյ Սմբատյան	հոկտեմբեր	19:00		
10	Սիմֆոնիկ համերգ համատեղ Հայաստանի ազգային ֆիլհարմոնիկ նվազախմբի հետ	Էդուարդ Թոփչյան	նոյեմբեր	19:00		
11	Սիմֆոնիկ համերգ	Հովհաննես Չեքիջյան	23.12.2025թ.	19:00		

\* -ով նշված սյունակների փոփոխություններ չեն ենթադրում սույն պայմանագրում կատարվող փոփոխություններ (գրավոր կազմված և ստորագրված կողմերի կողմից), և իրականացվում են կազմակերպության առաջարկությամբ պետական մարմնի գրավոր համաձայնությամբ:

### ՊԵՏԱԿԱՆ ՄԱՐՄԻՆ՝


«Հրթության, գիտության, մշակույթի  
և սպորտի նախարարություն  
Երևան, Վ. Սարգսյան 3  
Կառավարական տուն N 2  
ՀՀ ֆենտերական վարչություն  
հ/հ 900011032886, հվիհ 02698732  
Գլխավոր քարտուղար՝  
Հ. Հակոբյան  
(ստորագրություն)  
Կ. S.



### ԿԱԶՄԱԿԵՐՊՈՒԹՅՈՒՆ՝

«Հայաստանի պետական  
ազգային ակադեմիական  
երգչախումբ» ՊՈԱԿ  
ք. Երևան 10, Պուշկինի 60,  
ՀՀ ֆենտերական վարչություն  
հ/հ 900018005166, հվիհ 02508235,  
հեռ. 093200783

Տնօրեն՝  
Դ. Թերզյան  
(ստորագրություն)  
Կ. S.





«Հայաստանի պետական ազգային ակադեմիական երգչախումբ» ՊՈԱԿ-ի

հիմնական կատարողական ցուցանիշներ (ՀԿՑ)

## 1. Տռմսային տնտեսություն

1.1. Տռմսային տնտեսության արդյունավետություն՝ տոմս (50%) -հրավիրատոմս (50%) հարաբերակցությունը:

## 2. Կառավարում

2.1. Կազմակերպության բյուջեում վարչական և ստեղծագործական ծախսերի հարաբերակցությունը,

2.2. Վարչական և ստեղծագործական անձնակազմի հարաբերակցությունը (այդ թվում՝ ծառայությունների մատուցման պայմանագրերով ներգրավված),

2.3. Ելույթավճարներ ստացող աշխատակիցների թիվն ու ելույթավճարների չափը,

2.4. Պետական ֆինանսավորման տոկոսային հարաբերակցությունը ֆինանսավորման այլ աղբյուրների համեմատ:

## 3. Հարկեր

3.1. Տարվա ընթացքում գեներացված և վճարված բոլոր տեսակի հարկերը:

## 4. Մեկենասների ներգրավում

4.1. Մեկենասության ինստիտուտի հանրային վարկանիշի բարձրացում՝ գովազդում, տեղեկատվության հրապարակում, լուսաբանում, հանրային ճանաչելիության բարձրացմանն ուղղված այլ միջոցառումներ՝ քանակ,

4.2. Պետություն-մասնավոր համագործակցության ընդլայնում՝ համատեղ իրականացված ծրագրերի քանակը և աջակցության չափը,

4.3. Մասնավոր ոլորտի, միջազգային կազմակերպությունների, արտերկրի, ներկայացուցությունների աջակցությամբ ձեռք բերված գույք, տեխնիկա, կապիտալ ներդրումներ և վերանորոգում:

## 5. Հանրայնացում

5.1. Ներկայություն և ակտիվություն՝ մեդիաներում՝ մասնակցություն հեռուստատեսային և ռադիո հաղորդումներին, հոդվածներ մամուլում, ուսուորտաժներ, անդրադարձներ՝ քանակը (առնվազն՝ 5),

5.2. Կազմակերպության գործունեության լուսաբանում օտարերկրյա ԶԼՄ-ներում՝ հոդվածներ/հրապարակումներ/հեռարձակումներ/տեսաձայնագրություններ (առնվազն՝ 1),

5.3. Մամուլի ասուլիսներ՝ քանակը,

5.4. Մեդիաների ներկայություննը միջոցառումներին և դրանց լուսաբանումները իրենց հարթակներում (առնվազն՝ 5),

5.5. Ներկայություն և ակտիվություն սոցիալական ցանցերում՝ SMM ցուցիչներ, Facebook, Instagram, Telegram, կայքեր՝ հետևորդների քանակ, դիտումներ (Like, Share) այլ ցուցիչներ,

5.6. Երաժշտական քննադատական հոդվածների քանակը:

## **6. Մշակույթի ապակենտրոնացում՝ մարզերի մշակութային ակտիվացում**

- 6.1. Մարզերում իրականացված նախագծերի քանակը (առնվազն՝ 2) և դրանցում ներգրավված մարզերի թիվը (առնվազն՝ 2),
- 6.2. Մարզային կազմակերպությունների հետ համատեղ ծրագրերի քանակը, (առնվազն՝ 1):

1.Որպես հիմնական կադրողական ցուցանիշներ են հանդիսանում նաև <ավելված 1-ով սահմանված ֆինանսական ցուցանիշները:

### **ՊԵՏԱԿԱՆ ՄԱՐՄԻՆ՝**

ՀՀ կրթության, գիտության, մշակույթի  
և սպորտի նախարարություն

Երևան, Վ. Սարգսյան 3

Կառավարական տուն N 2

ՀՀ ՖՆ գործառնական վարչություն  
h/h 900011032886, հվի 02698732

Գլխավոր քարտուղար՝

Հ. Հակոբյան  
(ստորագրություն)

Կ. S.



### **ԿԱԶՄԱԿԵՐՊՈՒԹՅՈՒՆ՝**

«Հայաստանի պետական  
ազգային ակադեմիական  
երգչախումբ» ՊՈԱԿ

ք. Երևան 10, Պուշկինի 60,


ՀՀ ՖՆ գործառնական վարչություն  
h/h 900018005166, հվի 02508235,

հեռ. 093200783

Տնօրեն՝

Դ. Ղերայյան  
(ստորագրություն)

Կ. S.



Հավելված N 5  
«05» «02» 2025 թ.  
N ՄՇԴ-57-2025 պայմանագրի

**ՀԱՇՎԵՏՎՈՒԹՅՈՒՆ  
ՈՉ ՖԻՆԱՆՍԱԿԱՆ ՑՈՒՑԱՆԻՇՆԵՐԻ ԿԱՏԱՐՄԱՆ ՎԵՐԱԲԵՐՅԱԼ**

Ոչ ֆինանսական ցուցանիշներ																		
Ծրագրի կամ քաղաքա-կանության միջոցառման անվանումը	Չափորոշիչը (նկարագրությունը)	Չափորոշիչ տեսակը	Ցուցանիշի հաստատված կանխա-տեսումը՝ հաշվետու ժամանակահատվածի համար	Ցուցանիշի փոփոխվայնումներն ըստ համապատասխան իրավական ակտի (+/-)	Ճշտված ցուցանիշը՝ հաշվետու ժամանակահատվածի համար (այուն 1+սյուն 2)	Փաստացի ցուցանիշը (կատարված և ընդունված)	Հաստատված և փաստացի ցուցանիշների տարբերությունը (այուն 4-սյ. 3)	Տարբերության պատճառ (սյուն 5-ում նշված տարբերության պարզաբնումները)	Ա	Բ	Գ	1	2	3	4	5	6	

**ՊԵՏԱԿԱՆ ՄԱՐՄԻՆ՝**

«Հ կրթության, գիտության, մշակույթի և սպորտի նախարարություն  
Երևան, Վ. Սարգսյան 3

Կառավարական տուն N 2

«Ֆ Տ գործառնական վարչություն  
h/h 900011032886, հվիհ 02698732  
Գլխավոր քարտուղար՝

----- Հ. Հակոբյան  
(ստորագրություն)

Կ. S.

**ԿԱԶՄԱԿԵՐՊՈՒԹՅՈՒՆ՝**

«Հայաստանի պետական ազգային ակադեմիական երգչախումբ» ՊՈԱԿ

ք. Երևան 10, Պուշկինի 60,

«Ֆ Տ գործառնական վարչություն  
h/h 900018005166, հվիհ 02508235,  
հեռ.093200783

Տնօրեն՝

----- Դ. Թերզյան  
(ստորագրություն)

Կ. S.

Հավելված N 6  
«05» «02» 2025 թ.  
N ՄՇԴ-57-2025 պայմանագրի

**ՊԵՏԱԿԱՆ ՄԱՐՄԻՆ՝**

ՀՀ կրթության, գիտության, մշակույթի և  
սպորտի նախարարություն  
Երևան, Կառավարական տուն 2  
ՀՎՀՀ՝ 02698732

**ԿԱԶՄԱԿԵՐՊՈՒԹՅՈՒՆ՝**

Հասցե՝

**ԱՐՁԱՆԱԳՐ ՈՒԹՅՈՒՆ  
ՀԱՆՁԱՆ - ԸՆԴՈՒՆՄԱՆ**

ք. Երևան

Պայմանագրի համարն ու կնքման ամսաթիվը

N « ————— » « — » 2025 թ.

Պետական մարմինը՝ ի դեմս ՀՀ կրթության, գիտության, մշակույթի և սպորտի նախարարության գլխավոր քարտուղար Հ. Հակոբյանի, և Կազմակերպությունը, ի դեմս  
-ի տնօրեն \_\_\_\_\_ ի, հիմք  
(կազմակերպության անվանումը) (անուն ազգանուն)

ընդունելով պայմանագրի կատարման վերաբերյալ բովանդակային վարչության «  
» « » 2025 թ.-ի դրական եզրակացությունը, կազմեցին սույն արձանագրությունը  
հետևյալի մասին.

Կազմակերպությունը պայմանագրի շրջանակներում իրականացրել է  
միջոցառումը, իսկ Պետական մարմինն վճարել է դրա դիմաց՝  
պայմանագրով սահմանված կարգով և չափով:

**ՊԵՏԱԿԱՆ ՄԱՐՄԻՆ՝**

ՀՀ կրթության, գիտության, մշակույթի  
և սպորտի նախարարություն  
Երևան, Վ. Սարգսյան 3  
Կառավարական տուն N 2  
ՀՀ ֆի գործառնական վարչություն  
հ/հ 900011032886, հվի 02698732  
Գլխավոր քարտուղար՝

\_\_\_\_\_ Հ. Հակոբյան  
(ստորագրություն)

Կ. Տ.

Գլխավոր քարտուղարի տեղակալ՝

\_\_\_\_\_ Վ. Գասպարյան  
(ստորագրություն)

**ԿԱԶՄԱԿԵՐՊՈՒԹՅՈՒՆ՝**

«Հայաստանի պետական  
ազգային ակադեմիական  
երգչախումբ» ՊՈԱԿ  
ք. Երևան 10, Պուշկինի 60,  
ՀՀ ֆի գործառնական վարչություն  
հ/հ 900018005166, հվի 02508235,  
հեռ. 093200783

\_\_\_\_\_ Տնօրեն՝  
\_\_\_\_\_ Դ. Շերգյան  
(ստորագրություն)  
Կ. Տ.